

حقوقي بيلکيلر مجموعه سي

هر آي صوکنده نشر اولنور

اعطاسی صورتیله سبق ایدیه جک طلب اوزرینه تعقیباتک اجرا دائره سنجه رأساً ایفا وانتاجی الک کوزل بر اصولدر. بوکا (بیاننامه اصولی) دییه بیلیرز. آتیا بواساسک قبولی ودوائر اجراییه مزک بواجتاجی تطمین ایدیه بیلجه جک برحاله افرانجی شبهه سز غایه درکه یکی اجرا حکم لریله بونک تملی قولشدر.

قانونک طقوزنجی. ماده سنده کی «آلاجقینک طلبی اوزرینه معاش حجزی ویا بورجلینک حبسی حقنده ویریلن قرارلر رأساً تعقیب اولنور» حکمی فکر بجه بوشعه ده مهم برترقی خطوه سیدر. واضع قانونک سرعت وعدالت دائره سنده احقاق حق ایچون قویدینی اساسلر، مأمورین اجراییه مزک فکر تعقیب وحسن تقدیر لریله نافع ثمره لر ویره جکنه امین اولابیلیرز. بونک ضامنی اوله رق مأمورین اجراییه نک امر اتخابلرینک محلی انجمنلرندن آلتیمی ومرتبه اولی درجه سندن تفریق وبالن نتیجه بو مأمورلره آیری بر وارلق ویرلسی ضروری اولوب بوتأمک ایلک ثمره سی ده آتیده کی ماده در:

[ماده ۱۰: ۱ — قضا صفتی حائز اولمایان اجرا معاونلریله (یعنی مستقل اجرا رئیس بولان دوائر اجراییه معاونلری) اجرا مأمورلری عدلیه وکالت بجه تعیین اولنور]. مأمورین موجوده نک حق مکتسب لری محفوظ قالمق. بالعموم معاملات اجراییه بدایه اجرا مأمورلری طرفندن طوغریدن طوغرییه پایلوب بو بایده اعتراض وقوعنده ویا متعدد اجرا دائره سنک مربوط اولدینی اجرا رئیسک درجه تالیده اتخاذ ایلجه جکی قرار مطاع اولق صورتیله اجرا مأمورلرینک صلاحیتی توسیع وتشکیلات موجوده بواساس دائره سنده تبدیل ایدمک اوزره بو مأموریتلرک مکتب حقوق مآذونلرینه حصری وکندی لرینک درجه ثانیه مأموریندن عدی ده پک یقین بر آتینک مشکور بر اتری اولاجقدر.

استانبول اجرا رئیس

احمد رفیق

صوک اجرا تعدیلاتی و بورج ایچون حبس

۱

اصول محاکمه حقوقیه واجرا قانونی یکی باشندن قانون مدنی ایله آهنکلی برطرزده تنظیم ایتک اوزره تشکیل ایدیش اولان قومیسون اصول محاکمه حقوقیه قانون لایحه سی

اکمال ابتدا کردن صوکر [۱] اجرا قانونی لایحه سنی احضاره باشلامشدر . قومیسون ، سویمجره فده دال اجرا قانونی لایحه اساس اتحاد ایده جکدر .

اجرا قانون لایحه سنک ، قومیسونجه احضاری لاقلا دها بر قاچ آیه متوقفدر . بناء علیه بو سنه تشریعه ظرفنده قانونیت کسب ایتیمی امکانسزدر . وکالت ، ۲۸ نیسان ۱۳۳۰ تاریخی اجرا قانونک سرعته اجرایی تأمین ایتدیکی حقنده کی عمومی شکایتلری نظر دفته آلهرق ، وبالطبع عمومی اجرا قانونک قبوله قادار مرعی ومعتبر اولوق اوزره انقرده اجتماعه دعوت ایتدیکی قومیسونه ۱۳۳۰ قانون موقتک بعض ماده لرینی تعدیل ایتک اوزره بر لایحه احضار ایتدیرمشدر . بو لایحه ۲ مارت ۱۹۲۷ تاریخنده بویوک ملت مجلسنده قبول ایدلاکدن صوکر ۵ مارت ۱۹۲۷ ده کسب قانونیت ایتشددر .

مقاله مزده بو قانونی تحلیل ایده جکز . اسباب موجه ایله بو بایده کی نقطه نظریمزی تفصیل ایتیمورز ، یالکزر بورج ایچون حبس حقنده براز فضلّه توقف ایده رک مطالعات ذاتیه مزی شمیدین ایضاحی موافق کوردک . ۳ نومرولی فقرهیه مراجعت .

۲

۱ — اجرا قانونک ۵۱ نجی ماده سی موجبجه اجرا ماموری حیز ایتدیکی اموال منقولیه ، حال و وضعیتک ایجابنه شخصی تقدیرینه کوره ، براوطیه قویاراق مهر آلتنه آلوب بر بکچی نک تحت محافظه سنه تودیع ایده بیلیر و یاخود بونلری تمهر ایتکسزین . محافظه ایتک اوزره عدل تعیین ایده جکی کیمسه یه امانت ایده . محجوز اولان اموال و اشیا عدله برر برر تسلیم اولونور .

بکچی تحت محافظه سنده بولونان اموال و اشیا یی اعاده ایله مکلف دکلددر . دها دوغریسی اموال و اشیا بکچی یه تسلیم ایدیلز . او ، بر مهرک محافظه سنه مامورددر . بناء علیه مهرلی او طهده بولونان اموال و اشیا . فرداً نظارت مخصوصه سنه تابع اولمادیقندن قیریلوق ، بوزولوق کی بر صورته ، خساره دوچار اولورسه تضمین ایله مکلف دکلددر .

[۱] بو لایحه یی عدلیه وکالتی برای تدقیق محکمه تمیزه تودیع اغمش و محکمه تمیزک بو بایده کی مطالعه سی ایله برابر لایحه یی بویوک ملت مجلسه کوندیرمشدر . ملت مجلسی عدلیه انجمنی طرفندن تدقیق ایدلکده در . بو لایحه نک احتوا ایتدیکی عمومی اساسلری مجموعه نک بر نومرولی نسخه سنده تحلیل ایتدک .

كذلك اشيائي برر بر آماڊيغندن، بونلرك نقصان ظهورندن ده مسئول ايديله مز، بكيچي يالكوز، مھرك محافظه ايديلمه مسندن مسئول اولور .

عدل ايسه اشيائي برر برر تسل ايتديكندن بونلري برر برر تسليمه مجبوردر. نقصان ظهور ايده رسه بو نقصانك اسباب مجبره ايله حاصل اولديغني اثبات ايتدكجه مسئول اولماسي احكام عموميه ايجابندندر. ديكر طرفدن عدل، يد امانتته توديع ايديلش اولان اشيائه متبادي بر دقت ونظارت ايله وبواشيانك نقصان قيمتي ايجاب ايدن احوالي اجرا دائره سنه بيلدير مكه مكلف اولديغندن، كنديسنك اهالي وتسيبي، فعلي، خلاصه خطاسي سبيله بو اشيائه عارض اولان تغير ائندن ده مسئولدر. آنجاق بو تغيراتك، عدلك قصور و اهمالندن نشئت ايتديكني اثبات فوق العاده مشكل اولديغندن برائت ذمتي ادعا ايدن عدلك كيفيتي اثبات ايتمسي ده معقول كورونور. ايشته ۵ مارت قانوني برنجي ماده سنده بواساسي بيان وتايد ايتكددر: «عدل، كنديسنه توديع اولونان ماللري، اجرا دائره سنجه ايسته. نيلايكي آنده» وتسلم ايدلايكي «وضعيتده ويرمكه مجبور و كنديسنه عطف اولوناميحق بر سبیدن دولايي ماللرك تلف و ياضياغي اثبات ايتدكجه اولجه تثبيت ايديلش اولان قيمتلرني حكمه حاجت قالماسيزن اجرا قانونه توفيقاً تضمين ايله مكلفدر، يعني بو قيمتلر عدلك ماللريني حجز ويا كنديسي حبس ايله تضيق ايديلهرك استيفا اولونور .

۲ — اجرا قانونك ۸۷ نجی ماده سی موجبجه بر مأمورك معاشی حجز اولونديغني مبین حجزنامه يي آلان مال مأموري بونك تبليغ اولمسنی متعاقب بر هفته ظرفده حجز ايدیلن معاشك مقداريله، حجزك اجرا ايدلايكني اجرا دائره سنه بيلدير بلك لازم كلير . آنجاق فعلياتده قانونك بو حكمه تماماً رعایت ايديليوردي. ديكر طرفدن مأمور بوردروي امضا ايده رك تحقق ايتش معاشي آلفدن استكاف ايده رسه محاسبه عموميه قانونك ديوان محاسبانجه طرز تفسيری ايجابي، معاشدن فعلاً توقيفات يامق امكاني يوق ايدی. ونهايت تطبيقده . وقوع بولان حجز، مأمورك حين حجزده كي معاشنك ثلث مقدارينه منحصر عد وتلقى اولونوب مأمورك معاشي بالا آخره تزايد ايده رسه زياده معاشك ثلثه ده شامل عد اولونميور ایدی .

۵ مارت قانوني؛ ۲ نجی ماده سنده بزجه تفسيری ماهيته اولارق قانونك بوتقصانلريني

اکمال ایتمکده در. اولاً مال ماموری بر هفته ظرفنده، مامورک معاشندن توقیفات اجراسنه انتظار ایتمکسزین، بونک مقداری اجرا دائره سنه بیلدیرمکه مجبوردر؛ ثانیاً حجاز ایدیلش اولان معاشی، آیری بر بوردرو ایله دیوانه ویزه ایتدیره رک توقیف ایدوب اجرا دائره سنه کوندرمکه مجبوردر؛ ثالثاً: حجاز، آروجه اشعاره حاجت اولماقسزین، مامورک تراید ایدن معاشنک قابل حجاز اولان مقدارینه شاملدر. بناءً علیه معاشنک ترایدنده مال ماموری، اوکا کوره رأساً توقیفات یاغمله مکلفدر؛ رابعاً مدیون مأمور دیگر بر دائره یه تحویل ایدهرسه، توقیفاته فاصله ویریله مک اوزره مال ماموری حجازک موجودیتندن مامورک تحویل ایتدیکی دائره یی خبردار ایتک لازم کلدیکی کی کیفیتی آروجه اجرا دائره سنه ده اشعار ایله مکلفدر. مع مافیه مأمورک تحویل ایتدیکی دائره رسماً مال مأمورینه مجهول قالمش ایسه بالطبع کندیسنی مسئول ایتمه مک لازم کلیر.

۳ — اجرا قانوننک ۸۸ نجی ماده سی موجبجه مأمور معاشندن توقیفات اجرا ایتمه یه نیا نقصان توقیفات یاپان مال مامورلری شخصاً و مالاً مسئولدر. آنجاق بومسئولیتلری حقوقی اولوب مسئولیت جزائیله یی یوقدر. دیگر طرفدن توقیف ایدیلن معاشنک وقت وزمانیله اجرا دائره سنه کوندرلما سی حسبیه مال مامورلرینک مسئولیتلری ده قانون تصریح ایتمه مش ایدی.

۵ مارت قانونی ۳ نجی ماده سننده بو نقطه لری تصریح لریه لزوم کوردکن باشقه، «توقیفاتک عدم اجراسنی وظیفه مأموریتی افساده اهل و تراخی» عد ایدره رک بونی اجرا ایتمین مال مامورلری جزاء ده مسئول عد ایتشددر. بزم نقطه نظر مزه کوره، تضمینات ایله تماماً قابل تلافی اولان اوفق بر اهلالی سببیه مأموری جزاء مسئول ایتک آغیرجه در. باخصوص مشاغل معتاده یومیه سی ائناسننده توقیفاتی زماننده کوندرمکی اونومش ووظیفه اصلی مأموریتی فداکارانه ایفا ایدن بر مأمورک جزاء مسئول ایدیلشی جائز اولما ملیدر.

جزا قانونی ۲۳۰ نجی ماده سننده، وظیفه سننده اهل و تراخی ایتش اولان مأموری اونوز لیرادن یوزلیرایه قدر آغیر جزای تقدییه محکوم ایتمکده در. توقیفاتک یا پلامسندن آنجاق بر داین شخصاً متضرر اولدیغندن مذکور ماده نک ایکنجی فقره سی تطبیقه محل یوقدر.

۴ — اجرا قانون موقتك ۹۵ نجی مادهسی موجبجه مديونك « محجوز بولونان اموال غير منقولهسى، حين فراغه دين محكوم بهك مع قائض ومصارف بالغ اولدينى مقدار آنچه توقيف اولونمق اوزره، دائرة اجرانك مساعده تحريهسى ايله آخره بيع وفراغ، ايدمىلمسى جائزدر.

تطبيقاً تقرر ايتمس اولان اجتهادلره نظراً، مديونك بو طلبى اجرانك تأخيرى مستلزم عد اولمقده ايدى. مديونلرده بوندن بالاستفاده بر مدت دها اجرانى تأخيره امكان بولمقده ايديلر.

۵ مارت قانونى ۴ نجى مادهسند دأرء اجرادن، مديونك محجوز غيرمنقولنى آخره صائقى اوزره استحصال ايدمىلمسى مساعدهنك بر وجهله اجرانى تأخير ايدمىلمسى تصريح اولمشدر.

قانون مدنك ۶۳۳ نجى مادهسى موجبجه جبرى اجرا ملكيتى ناقلدر. جبرى اجرادن مقصد اجرا قانونك آلايى معناده احواله قطعيه دكلدر. بلكه غير منقولك مشتريسى عهدهسنة احوالهسنة غير قابل رجوع برصورتده قرار ويريلسيدر. بناءً عليه قانون مدنى به كوره جبرى اجرا سبيله ملكيتك انتقالى ايچون احواله قطعيه دن صوكره مديونه تأديء دين ايتمك ايچون اخبارنامه كوندرلسى وبومدت ظرفنده مديونك تأديء دين ايتمى لازمدر. بناءً عليه بومدنك مروريله، مشترى، اوزرينه احواله ايديلن غير منقوله قطعياً مالك اولور و آرتق مديونك تأديء دين ايتمى معتبر اولمدينى كي، آخرينه فراغ ايچون دائرة اجرادن مساعده طلب ايتمىده قابل اولاماز. ۵ مارت قانونى ۴ نجى مادهسند بوقطعه بى تصريحى موافق بولمشدر.

۵ — قانون ۵ نجى مادهسند مزايده اعلانلرينك احتوا ايتمى لازم كلن قيودانه بروجه آتى قيدلركده علاوه يازلسنى موافق بولمقدهدر: « اموال غير منقوله نك نوعى، نومروسنى، بولوندينى محله، حاده وسوقاغلك اسملرني و وضع يد ائناسنده كورولمش حدودي، مساحهسى، مشتملاتى وبورجلىنك اسم وشهرتيله غير منقولك كيملك تحت اشغالنده اولديغىده » يازلق لازم كلير.

۶ — ۲۸ نيسان ۱۳۳۰ تاريخلى اجرا قانون موقتى، قاعده اولارق، بورج ايچون حبس اساسنى قبول ايتمشدر.

آنحاق، حبسی، بورجی ادا اقتداری ثابت فقط ماللرینی ظاهره اخراج مشکل اولان مدیونه قارشى، دینك قوللانه بیله جکی برواسطه تضیق اوله رق قبول ایدیلش ایدی. مع مافیة، مدیون کندیسنه تبلیغ اولونان اخبارده ویریلن سکر کونلک مهلت ظرفنده، بورجی اطفا ایچون برصورت تسویه ده کوسترمکه مجبور طوئش ایدی. صورت تسویه دینك مقداری ومدیونك اقتدار واحوال ظاهره سی ایله متناسب اولمق لازمدر. (ماده: ۱۳۱).

صورت تسویه کوسترمین ویاخود کوستر دیکى شرائطه، آئنده اولمایان سیدلر آلتنده دخی، رعایت ایده مین مدیون اجرا رئیسك قرار یله حبس اولونور.

کوریلورکه اجرا قانون موقتى مدیونى، ولوکه هیچ بر شیشه مالک اولماسون، هر حالده برصورت تسویه کوسترمکه مجبور طوئتمقده وبونى کوستر میان مدیونك ده، حبسنه مساعدۀ ایتمکده در. آنحاق ظاهرأ هیچ بر شیشه مالک اولمایانلرك، دینی نه مدت ظرفنده اطفا ایده بیلک اوزره صورت تسویه کوسترملری لازم کله جکی قانونده مصرح اولمادیغندن، تطبیقآده مدیونلر، آیدن آیه، قانونی فائضه بیله تقابل ایتمه یه لاشی حکمنده بر مبلغ اعطاسی درعهده ابله صورت تسویه کوسترمکده و بوندن ده داینلر فضله جه شکایت ایتمکده ایدی.

۵ مارت قانونی، بورج ایچون حبس اساسی تقویه ایتمکده در. دها دوغریسی ۳۰ قانون موقتك بر نقصاتی اکال ایتمکده در: «بورجلی کندیسنه تبلیغ اولوناجق اخبارنامه مدتی ظرفنده اجرا دائره سنه مراجعتله بورجی نهایت بر سنه ده و مساوی تقسیطرله اطفا ایده جك برصورت تسویه کوسترمکه وعینی کونده ایلك تقسیطی ویرمکه مجبوردر. بوجبوریتی ایفا ایتمه مش اولان بورجلینك بالاخره صورت تسویه کوسترمه مسی آلاجالینك موافقتی... بولونمادجه قبول اولونماز. — آنحاق بورجلی، مدتی ظرفنده مراجعه ماده امکان اولمادیغی حقنده قبوله شایان معذرتی درحال اثبات ایلر سه اجرا رئیسى کندیسنه یوقاریده کی فقره وجهله صورت تسویه ارأه سی صلاحیتی ویرمیلیر. — صورت تسویه کوسترمه مش اولان بورجلی، آلاجالینك طلبی اوزرینه حبس اولونور. — اجرا رئیسى «مقداری بك فضله اولوبده بر سنه ظرفنده» مدیونك ظاهر حاله نظرأ

« المحامي قابل اولامه جغه قناعت ايتديكي بورجلر ايچون آلاچقلى يى ديكه دكدن سوكره بومدى بر بوجوق سنيه تمديد ووافق بورجلر ايچون ده بر آيه تنزيل ايدم بيلير. شو قدار كه قناعتنى حصوله كتيرون اسبابك قرارده ذكر وتفصيلي مجبوريدر » - تاجيل قرارندن سوكره اولجه معلوم اولمايان ياخود سوكره دن حادث اولان بر سبب دولاييسيله بورجلينك بورجنى دفعه ياخود ده آاز بر زمانده ويره جك وضعيته بولوندينى حقه ده آلاچقلىك دلائل معتبره به مستند اعتراضى اوزرينه اجرا ريشى تدقيق ويكيدن اتخاذ قرار ايدم . »

مع مافيه ۷ نجى ماده موجبجه نفقه ايچون تقسيطه مربوط صورت تسويه قبول ايدلر .

۷ - بورجلى كوسترديكى صورت تسويه يى قناعت بخش وقبوله شايان بر معذرت اولماق سزىن وقتنده ايضا ايتديكي ويا بورجك ويريلسنه دائر آلاچقلى ايله اجرا دائرهمى حضورنده قبول ايتدكلى شرطلى اخلاص ايلديكى تقديرده آلاچاق كسب معجلت ايدم . بناء عليه مديون در حال تمام متباقى بورجنى ويره مزسه حبس اولنور . بونك ايچون دايى طرفندن طلب سبق ايتك شرط ميدر ؟ ومديونه تكرر اخبار نامه ايله متباقى بورجنى ادايه دعوت اولمق ايجاب ايدرمى ؟ مديونك تأديه دينه دعوتى موافق كوريلير .

۸ - اجرا قانون موقتك ۱۳۵ نجى ماده سى موجبجه « مديونك هر نه صورته اولورسه اولسون حبس دن چيقمسنه موافقت ايتمش اولان دايىك او ديسدن دولايى حبسنى طلبه صلاحيتى يوقدر واكمال مدت ايتمش اولان بر مديونك بورجى تأديه قدرت ماليه سى اولمادى تظاهر ايدم جكيدن و عا دى بر بورج ايچون ديكريه ضم صورتيه اوزون مدت بر كيسه نك حبس ايدلسى معقول بولمادى غندن مديونك حبس دن مقدم ذمتنه تعلق ايتمش اولان ديونات سائرهمى ايچون دخى حبسى جائز دكلدر . »

۵ مارت قانونى بو نقطه ده غايت مهم بر تعديلات ياپيور : حبس مدتى بيمه ين بورجلينك حبس دن چيقملى دايى ايله « بورجك ويريلسى ايچون آزالنده اجرا دائرهمى حضورنده » تقرر ايتمش بر شرطه مستند اولوبده بورجلى بونى ايضا ايله مزسه آلاچقلى كنديسنى كبرى قالان مدت ايچون تكرر حبس ايتديره بيلير . بر بورج دن دولايى اكمال

مدت ایش اولان بورجلیک حبسدن اول ذمتنه تعلق ایش سائر بورجلیلر ایچون اقتداری اثبات ایدیلک شرطیه تکرار حبسی جائزدر. » بر آلاقلینک بلاقید و شرط مدیونی حبس ایتدیره یلوب دیکرینک ایتدیره مامسی مساوات اساسنی نخل کوریلیر. دیکر طرفدن بر کیمسه فرضاً مدیونک بش بیک لیرا مالی اولدیفنده ظن حصوله کتیردکن صو کرا بومقدار بر بورج ایچون مدیونی تکرار حبس ایتدیره بیلیر. صو کرا دیکر بر داینده عین دلیلی کتیره رک بتکرار حبس ایتدیره بیلیر، بو صورتله حبس توالی ایدهرک ونظری اوله رق حال افلاسه اولان برمدیون الی نهایت حبسده قالا بیلیر.

۹ — نهایت اجرا قانون موقتک ۱۴۳ محی ماده سنه پایلان بر علاوه موجبجه «آلاقلینک طلبی اوزهرینه معاش حجزی ویا بورجلیک حبسی حقتده ویریلان قرارلر رأساً تعقیب اولونوره فی الحقیقه داینک اجرا دائره سنده سبق ایدن بر طلبی، بالضروره طلب ایدیلن خصوصک تمامی اجرا سنه محکوم لهک موافقتنی تضمن ایدر. بو قاعده نی حجزلرده تشمیل ایتمه مک ایچون سبب یوقدر؛ بزه کوره بو ماده اولماسه بیله اجرا مأمورلرینک داین طرفدن طلب ایدیلن خصوصاتی نهایت قدر تعقیب ایتلری مأموریتلرینک ایجابنددر.

۳

بورج ایچون حبس، عمومیتله اوروپاده بو کون ملغا بولونمقدهدر. غریک نه ایچون حبسی الفا ایتدیکنی وحبس اصولک اجتماعی، اقتصادی تأثیرلرینی تدقیق چوق فائده لیدر. بر کره بورج ایچون حبس، اعلاملرک اجراسنی تأمین خدمت ایدهرمی؟ محترم رفیقم استانبول اجرا رئیس احمد رفیق بک افندینک بویوک بر عزم و ثبات ایله یابدقلری ایستایستیلردن حبسک، اعلاملرک اجرای احکامنی تأمین ایتدیکی آکلاشیلیمقده در. محترم آرقداشکم اجرا قانونی شرحه دائر یازدیغنی بک قیمتدار اثرلرنده کوستردیکی رقلر، بر چوق اعلاملرک بو سایه ده تنفیذ ایدلدیکنی بک بلیغ بر صورتده کوسترمکدهدر. بالخاصه کندیلری، ۵ مارت قانوننک تطبیقندن بری، اعلاملرک ده بویوک بر اکثریتنک تنفیذینه امکان حاصل اولدیغنی شفاهاً تأمین ایتشلردر.

رفیق بکک اولدقجه اوزون مدت دوام ایدن مأموریتی اناسننده بالخاصه حبسک

نتیجه لری حقنده کی اینجه تدقیقاتی اعتباریله بورج ایچون حبسك ، اعلاملرك اجرای احکامنی، بر درجهیه قادر اولسه بیله، تأمین خدمت ایده جکنه محقق نظریله باقق ایسترز . بو حالده فائده سی محقق اولان حبسی النامی ایتملی ، محافظه می ایتمه لیدر ؟

غریبه حبس یا ملغا ویا بر جوق تحدیداته تابعدر [۱] . فقط غربك هراسانی بلاقید و شرط قبول ایتمکدن ایسه بونلرك اسباب موجب سنی بالتدقیق قبول ایتمك طبیعی دها معقولدر . اونك ایچون بو نقطه ده بر آرز فضلّه توقف ضروریدر .

بو مقاله ده ویردیكم ایضاحات، حبسی الفا ایدن دولترك اسباب موجب مضطه لرندن ترجمه ایدیلامشدر . آنجاق بعض نقطه لرده بواسباب موجبیه استناد ایده جكم .

§ واضع قانون بر حکم تعیین ایده رکن یالکز طرفینك منفعتی دوشونمز ، بلکه عمومی منفعتی، یعنی طرفین آراسنده یاپیلمش اولان معامله نك، مملکتك عمومی آخلاق و اقتصادیاتنه تأثیرینی ده نظر دفته آلیر .

اگر اجرا انساننده یالکز تعقیب ایدن داینك منفعتی دوشونمك لازم کلسه بلکه بورج ایچون حبسی، بوتون شدیله محافظه ایتمك لازم کلیر . فقط حبسك ، مملکتك عمومی آخلاق و اقتصادیاتنی نقطه سندن تأثیرلری نه در ؟ بزجه مسئله نك ضعیف نقطه سی بودر و بر جوق دولترك مواد حقوقیه ده حبسی الفا ایتملری بوسیدن نشأت ایتمکده در . بزجه بورج ایچون حبسك عمومی اخلاق و اقتصاده مخرب تأثیری آچقدرد .

فرانسه ده ۱۸۶۷ تاریخنده بورج ایچون حبس الفا ایدیلیر ایکن تنظیم ایدیش اولان ایستایستیق لردن آکلاشیلمشدر که بورج ایچون حبسی اك زیاده مراجحه جیلار تطبیق ایتدیر مکده در .

کنجلراللرینه کچن پاره یی اکثریا اکنجه محللرنده صرف ایدرلر . اکر بو کنجلرك، بابا و آنالری اولدجه یانی بر اجتماعی وضعیته مالک ایسه مراجحه جیلر کندیلرینه جوق یوکسك قائلر ایله پاره اقراض ایتمکدن هیچ چکینمز لر . عمومیتله بو پاره لر سفاقت عالملرنده

[۱] بو بایده کی اجنبی قانونلری احکامنه کسب و قوف ایچون Contrainte par corps Pandect بحثه مراجعت . كذلك حقوق فاکولته سی مجموعه سی صائی ۶۰ ، صحیفه : ۸۰۳ « مواد حقوقیه ده حبس » مقاله مزه مراجعت .

صرف ایدیلیر. وقتنده تأدیه ایدیله مز. مراحجه جی، بابا و آنانک اجتماعی وضعیتی حساب ایدهرک کنبه بر مقدار دها و برهرك و فائضری تکرار ضم ایدهرک اولجه اقراض ایدلش اولان باره بی بر قاچ مثله ابلاغ ایتدکدن صوکر ا تعقیباته باشلار و مدیونک حبسنی طلب ایدهر. بابا و آنا، چوجوقلرینی حبس ایتدیرمه مک ایچون، هر شینی پاهرق تحمللرینک فوقده اولان بورجی اوده مک اوزره صورت تسویه کوسترلر. وعده سنده بالذات کندیلری حبسه کیرمامک ایچون احتمالکة تجارته، صنایعه تخصیص ایتدکلری سرمایه بی نقده تحویل ایدهرک مراحجه جینک بورجی اوده رلر.

ایشته دین ایچون حبسک برنجی نتیجه سی بودر؛ عائله چوجوقلرینک استقراض ایچون بوله جقلری عظیم سهولت، اللرینه کچن باره بی عمومیتله سفاقت عالمرنده اسراف، معصوم اولان بابا و آنانک بونی تأدیه مجبوریتی، بونرک عائله ناموس و شرفنی قورتارمق ایچون افلاس تهلکة سه معروض قالمالری، بوصورته مملکتک آخلاق و اقتصادیاتنک وزولسی.

ایکنجی بر نتیجه سی: حبساً قضیقندن قورقان مدیون اخبارنامه مدتی ظرفنده فرار ایدهر. کرک فراری و کرک فعلاً حبس ایدیلسی حالنده مملکتده اقتصادی بر بوشلق حصوله کلیر. مدیونک ایشنی ترک ایدهرک صاقلانمسندن هم کندیلسی و همده عائله سی پریشان اولور. و همده مدیونی جالیشدیران مؤسسه نك ایشلری بوزولور. حتی مدیونک اوج، بش قزاندیفندن ویره بیله جکی دیگر بوتون دایملر متضرر اولور.

بونقطه بی سابق رژی مدیری اولوب خاطراتی وقت غزته سنده انتشار ایتکده اولان لوئی رامبر پک بلیغ بر صورتده کوسترمکده در. بر تاریخده حکومت طرفندن طرح ایدیلن ویرکونی هیچ برکیمسه نك تسویه ایده جک حالی اولمادیفندن اورلده کی بوتون رژی مستخدملرینی حبس ایتشار بال نتیجه دائره قاپانمش، توتون صایشی دورمشدر. لوئی رامبر وضعیته چاره اولق اوزره حبس ایدیلن بوتون مستخدمینی ایشدن جیقارارق حبساً قابل تضیق اولمایان اجنبیلری آلمش. بویله جه حکومت اولدقجه پاره تحصیلنه موفق اولمش ایسه ده رامبرک تعبیرنجه «آلتون یومورطه یومورطالایان طاووق» اولدیریلشدر ویرکو و بره نلر محو ایدیلشدر. (وقت غزته سی: ۲۴ نیسان ۹۲۷ نسخه سی).

عجبا حبس ایله تضیق، عمومی اعتباری تزید ایدرمی؟ بو سؤالده منی اوله رق

جواب ویرمیدر. آنجا، عاقله چو جوقلرینه سفاهت عالمینده قوللانه جفی و یاخود بر شینه مالک اولمایان کیسهیه قارتی دیوره جق بر اعتبار تأمین مستنادر. فی الحقیقه صنایعده، تجارتده، زراعتده قوللانیله جق سرمایه یی اقراض ایدنه جک کیسه حین اقراضده مدیونک حبس ایله تضییق ایدیله بیله جکنی عقلنه کتیرمز. اوکنده برمال ویا کنیدیسه کوسترلش بر تأمینات واردر. مقرض یا لکر بومالی و تأمیناتی ویا مدیونک ایشه اهلیتی و دوغریلغنی نظر دفته آلیر. بالعکس سفاهته طاله جق چو جوقلره اقراض ایدنه یا لکر حبسی نظر دفته آلمغه مجبوردر. کذلک آج قالان کیسهیه اقراض ایدنه ده، اگر بر دوست دکل ایسه، بوده حبسی نظر دفته آلیر. فقط بو حالرده مدیونه اعتبار ویرمک تهله لیدر. زیرا بوسرمایه استهلاک ایدیش اولور. اقتصاداً قنادر. وضعیتی اصلاح ایدنه جکنی ظن ایتیش آج مدیون عمومیتله وعدهده، دکل فائضلری، آلدیغنی بیله اوده مکدن اکثریا عاجزدر. بناءً علیه نهایت بو کیسه پاره استقراض ایدنجه دهافضله صرفیات یایه جق و وضعیتی دهافخیم برحاله کتیره جکدر. واضع قانون حبسی قبول ایتیمش اولسه یدی فقیرلر، اعتبار بولاماز و بدایتده یورغانه کوره آیاغنی اوزاتیر ایدی.

دیگر طرفدن لدی الحاجه حبس ایله تضییق ایدیله بیله جکنی نظر دفته آلاان احتیاطکار ناموسلی کیسهلر، استقراضدن قاچینیرلر، جسارت ایدیله بیله جک ایشلرک مقداری پک محدود قالیر. اعتبارک، بورج ایچون حبسک شدتله تطبیق ایدلدیکی مملکتتمزده پک محدود اولماسی، بالعکس غریبهده، حبسک الفاسندنبری تدریجاً تزاید ایتیشی، حبسک برواسطه اعتبار اولمادیغنی واضحاً کوسترر.

دیگر بر نقطه: مدیون حسب القدر بورجی تأدیه ایدمه یه رک بر دفعه حبسه کیرسه اخلاقی بوزولور. حبسخانه حیانه آلیشیر. حبسخانه حیانه آلیشمش بر کیسه ایسه جرم ایقاعندن بیله چوق حذر ایتمز. اودولت منافع خصوصیه یی وقایه ایچون کنیدی بودجه سندن عظیم مصرفلر اختیارینه مجبور قالیر.

صوک بر ملاحظه: عدالة بورج ایچون حبس جائز میدر؟ بعض آلا جققلر ایچون حبس عادل کورونه بیلیر. از جمله استقراض ایتدیکی مبالغی، قومارده، هوا او بونلرنده امیراف ایدنه و یاخود داینک حقوقنی اضرار ایچون درلو حیللی معامله لره تشبث ایدنه

مدیونلرک حبسی عدالتہ موافقہ در . چونکہ ہوکی معاملہ لہ نتیجہ سندہ استقراض اولونان پارہ لری ویرہ مہمک جزایی استلزام ایدن اخلاقی برجرمدر .

فقط اکثر احوالہ ، مدیون معروض قالدینی فلاکت ، پیاسہ بہ عارض اولان بحران سبیلہ بورجی ادادن عاجز قالیر . ویاخود مدیون ، یا کلسلقہ ، ظن اوزربہ ، قدرتندن فضلہ نفقہ تأدیہ سنہ محکوم ایدیلسنہ مبنی تأدیہ دیندن عاجز قالیر . بو حالدرہ حبس ایدیلسی عدالتہ مخالفدر . چونکہ نہایت ہوکیفیت ، برآمدی فقیر اولدینی ایچون مجازات ایتک معناسی تضمن ایدہر .

قاری قوجانک یکدیگریہ قارشی اولیلک برلکنک « سعادتی متحد تأمین وچو جوقلرک اعاشہ و تربیہ سنہ برابر جہ اہتمام » ایتلری ؛ و « بربرینہ صداقت و مظاهرت » دہ بولملری اصلدر . (قانون مدنی مادہ : ۱۵۱) . دیگر طرفدن « آنا بابا وچو جوق یکدیگریہ قارشی عائلہ منفعتک استلزام ایتدیکی معاونت و رعایتہ مجبوردر (مادہ : ۲۶۰) . نفقہ ایچون قاری قوجانن برینک دیکرینی ویاچو جوغک آنا ، باباسنی حبس ایتدیرمسی مظاهرت و معاونت و رعایت اساسلری ایلہ تمامیلہ متناقضدر . بالعکس بواساس ، بورج ایچون حبسہ کیرہن قاری ، بابا واولاددن ہر برینہ دیکرینی حبسدن قورتارمق ایچون اعظمی فدا کارلق اختیارینی استلزام ایدہر .

بوسیلہ درکہ حبسک تطبیق ایدلدینی محل وزمانلرہ بیلہ غریبہ قاری قوجانک ، بابا و آنانک وقرداشلرک بربرینی حبساً تضییق ایتسی ممنوع عد اولمش ایدی .

دیگر برنوع بورجلرہ برکیمسہ نک ییوب ایچمدیکی ، برکونا خطا و قصوری اولمادینی حالہ ذمتہ ترتب ایدہر . ازجملہ قانون مدنی و بورجلر قانونی موجبہ ، مالک ، ملکنندہ کی تأسیساتہ ذاتاً موجود اولان برقصور (بوانشا آتی ، تعمیراتی درعہدہ ایتش اولان برمتعہدک ، ایشجینکدہ قصوری اولایلیر) سبیلہ کلن ضرردن مالاً مسئولدر . ازجملہ بر بنا انشا اولونورکن متعہدک ترتیبات فنیہدہ کی قصوری سبیلہ بنا ییقیلیر برجوق عملہ اولورسہ مال صاحبی بونلرک ہر برینہ نقداً تضمینات ویرمکہ مجبوردر . بو تضمیناتہ متعہدہ حق رجوعی درکار ایسہدہ ، سعمہ مالیہ سی مساعد اولمادیفندن بوکا رجوع فائدہ سز قالیر وکندیسی دہ پک اہمیتی بریکونہ بالغ اولان تضمیناتی ویرہ مزسہ حبس ایدملک

جائز اولور. حادثه نك تصويرى بوحالده حبسك نه قدر عدالته مابين اولديغنى كوسترر .
 آلمان ياده بورج ايچون حبس يوقدر . فقط اصول محاكمه حقوقيه قانونى موجبجه
 (ماده : ۸۰۷) اكر مديونك حجز اولونان مالى دينه كافي كلز ويا خود داي ن حجز ايديله جك
 مالك عدم كفايه سنى كوسترر سه داي نك طلبى ايله مديون ، اموالك نه دن عبارت و نرده
 بولونديغنى بيان و اوچنچى شخصصار ذمتنده كى آلا جا قارلريك وثيقه لرينى ابراز و بوندن باشقا
 مالى اولماديغنى مابين تكليف اولونا جق يمى ادايه مجبوردر . يمى ايچون معين اولان كونده
 مديون كلز ويا يمى دن امتناع ايدرسه حبس اولنور (ماده : ۹۰۱) و حبس ائساننده يمى ايدن
 مديون حبس دن اطلاق اولونور (ماده : ۹۰۲) . رايه آيدره آره اعاشه مصرفى راضل اولديغى
 مالده حبسك استلزام ايتيركى بال محمد مصرفى يئينا تاديريه مجبوردر . (ماده : ۹۱۱) حبسك
 اعظمى مدنى آلتى آيدر (ماده : ۹۱۳) . تاديه ديندن امتناع ايدن مديون آلتى آى
 حبس دن صوكره باشقه برداي نك طلبى ايله تكرار حبس اولونا ماز (۹۱۴) . صلح محكمه سى
 بش سه مدته يمى ايدن ويا يمى دن امتناعه بناء حبس اولونان مديونلرك ليسته سنى
 محافظه به مجبوردر . آرزو ايدن هر كس بو ليسته نى تدقيق ايديه بيلير . بصورتله كيملرك
 اعتماد شايان اولديغى حقنده هر كسك برفكر ايديمه سى قابل اولور . مع مافيه بش سه
 صوكره واسملر اوقوناميه جق وجهله سيلير (ماده : ۹۱۵) .

اسويچره فده رال ۱۱ نيسان ۱۸۸۹ تاريخلى اجرا قانونى موجبجه ائناى حجزده
 مديون حاضر بولنقه و بال محمد ماللرينى اوانيه مجبوردر . بو حكمه رعايت ايتمين مديونلر
 حقنده قانطون قانونلرى جزا تعين ايديه بيلير . (ماده : ۹۱)

ديكر طرف دن غرب قانونلرى مديونلرك ماللرينى قاچيرمق و كي زله مك ، اخري نه دور
 ايتك كى صورتلرله داي نلرينى اضرار ايدن تصرفلرى حكمسز عدايتكمه در .

(بو خصوصات ايچون حقوق فاكولته سى مجموعه سى ۱۶ نومروسنده مقاله مزله
 جريده عدليه نك ۳۲-۳۶ نومرولى نسخهلرنده كى مقاله مزه مراجعت)

بناءً عليه فكرمجه غريبه كى اعتبارى ملكتمزده ده كورمك وعدالتله ، وجدانه
 مخالف بر قاعده نى تطبيق ايتمه مك ايچون غربك بو اساسلر دن واسع مقياسده ملهم
 اولمق ضروريدر .

۱۰ — ۵ مارت قانونی ۱۰ نجی ماده سنده «قضا صفتی حائز اولمایان اجرا معاونلری ایله اجرا مأمورلرینک عدلیه وکالتجه تعیین» اولوناجغنی بیان ایتدکدن سوکره ایکنجی فقره سنده علاقه دار مأمورلری یعنی بعض اوراق کوندورلسی ویا بعض کونا معاونت ایفاسی کی اجرا مأمورینک تبلیغاتی تنفیذه دعوت ایدیلن مأمورلری، تبلیغ ایدیلن خصوصاتی ایفایه مجبور ایتمک وعدم اطاعت حالنده حقارنده مدعی عمومیلکجه رأساً تعقیبات جزائییه اجرا ایدیله جکئی قید ایتشدرد. تعیر دیکرله وظیفه اصلیه دن اولمایان اجرا دائره سنک بر تبلیغی انفاذ ایتمه مک وظیفه مأموریتده اهامال عد اولونمشدرد.

مع مافیه ماده، نه قدر مطلق اولورسه اولسون، اجرا دائره سی طرفدن بر مأموره وظیفه مأموریتی ایجابی مکلف اولمادیغی بر خدمت تحلیف ایدلش ویا آمر طرفندن خلافه امر ویریلش ویا خودتقدیری منحصرأ کندیسنه عائد بر مسئله موضوع بحث اولش ایسه بوماده مک تطبیقی قابل اولماسی لازم کلیر.

۱۱ — قانون مدینک مرعیت قانونی موجبنجه (ماده: ۴۵) صلح محکمه لری اعلاملری، داین کفالت ارائه سنه حاجت اولماق سزین و کسب قطعیت ایتسنه انتظار ایتکسزین ده اجرا ایتدیره بیلیر. ۵ مارت قانونی ۱۱ نجی ماده سنده محکوم علیه کفالت و رسمی ویا اشیا سنک تحت حمزه آلنسی حالنده بوفقره مک تطبیق ایدیله میه جکئی بیان ایتکده در. § مؤلف، اصول محاکمه یه دائر قریباً نشر ایده جکی بر کتابده بو مقاله یی تماماً ویا قسماً عیناً نشر ایتمک حقنی محافظه ایده ر.

حقوق فاکولته سی مدرسلرندن

مصطفی رشید

مقود جزا

یکی جزا قانوننک هیئت عمومیه سی حقنده بعض مطالعات

مقدمه

یکی جزا قانونمژ هیئت عمومیه سی اعتباریله قانون مدنییز طرزنده ایسالیان قانونندن عیناً اقتباس ایدلش دکلدر. کرچه قانونک ترتیبی صره سنده آله موجود و ۱۳۳۶ ۱۳۳۶ تاریخنده